


項城縣志

禮



項城縣志序



窈觀世之學者好以淵博見長
以言務本闕有間焉豈知辭不
在文要取諸實事不期多務垂
諸久凡賢哲之眩耳目而驚奇
者止此日用倫理之常學之所

序

一

貴以大而非夸也彼夫十室之
邑必有忠信矧項之在周封爲
子國械樸菁莪類多蒸士迨歷
楚歷秦而後漢改爲項縣田疇
于以開闢戶口於以蕃昌美業
嘉名不難按籍而得而其間或

經水漲漂零或遭逆賊混亂幾
令文獻無存致後人之叅議故
前輩諸先生質之父老尋之簡
篇著爲文也非不典而稽發爲
詞也非不簡而該顧其風近古
其語近樸躬逢我

序

二

朝培植庶類作育人才英俊道德
之輝山川秀靈之氣于斯益盛
舉凡文章學術豐功偉畧以及
忠孝節義歷歷昭人耳目間他
如柳鎮春翠瑞蓮獻彩載之景
咏者難以枚舉要皆贊造物之

奇而表邅治之德教于無方者
也後之不修豈前者之失耶嗣
于乾隆九年八月間奉檄纂修
舊志而茲邑之紳士無不欣然
樂從羣相蒐羅贊揚

盛世鼓吹休明不特備後人之採

序

三

擇有徵並昭先代之醇風可慕
項志誠不沒于周之盛也夫予
攝篆斯邑造志告成而按閱之
源流之共貫也本末之悉該也
且文而不離乎實多而可歷乎
久雖篇冊之中稍存獎勵而尋

繹之下寓有箴規以之修已則
順而祥以之治人亦無所處而
不當君子謂修史所以萃煥則
此志亦所以萃其煥也所謂辭
不在文要取諸實事不期多務
番諸久者茲編其得焉矣是爲

序

四

序皆

乾隆十一年歲次丙寅仲秋月河
南府通判兼攝項城縣事桐山
張衷撰



續修項城縣志序

嘗聞邑志與國史同功季方子云古今難制之變難斷之疑皆得參驗稽決於史又云當看人物如何治體如何潘陽節云信賞必罰明禮義謹學術以身先

序

一

之便知趨向之方上下相師而人才出皆於史樹其鵠焉然則邑志之所關豈外是哉乙丑夏四月余奉

天子命來撫項邑下車聿始披閱邑志揭其卷帙成於前署令業報

各憲然其間猶有缺而未備者
頃奉

府憲刊刻郡志飛檄飭行續修
爰謀之荐紳暨諸生若而人細
加攷覈增修申送余已捐簿俸
聽候

序

二

府憲合刊但旣刊府志以爲摠
滙卽當刊邑志以示風勵因不
揣固陋與諸君子更爲博採廣
集分爲十卷壽諸棗梨庶幾閱
斯志者無難制之變無難決之
疑而人物治體與夫教養之法

無不可兢兢焉參驗稽夾而得
之書云慎厥身修思永詩云上
帝臨汝無貳尔心無貳無虞上
帝臨汝此之謂也故曰邑志與
國史同功豈僅備一邑之巨觀
云尔哉爰略叙數言弁付簡首
是爲序

序

三

峇

乾隆十一年閏三月穀旦知項
城縣事張爲旦撰



增修項城縣志序

竊聞昔者明道在鄆他務未遑
首理志事而晦翁之在南康也
亦如是焉噫兩先生之用心如
出一轍者良以志之爲書也善
惡藏否之不遺則懲勸備而人

序

一

心以正利弊得失之必詳則法
戒昭而教化以端志之所關者
若是其大也詎非守土者之所
宜急哉余以雍邱末吏當

聖天子在上教化日興治益求治之

時謬荷

憲檄來攝項篆寧不欲自勵勵人
同爲

盛世之良耶第治化貴合乎人情
政教必宜乎土俗余當蒞事之
初凡項之人情土俗未嘗不採
訪於因公來往之餘考察於專

序

二

意巡歷之際而究未深悉也則
雖欲治之其曷從而治之乃躊
躕至再再而豁然悟曰有志在盍
取而觀諸於是逐加披覽見全
項東西南朔之情形上下千古
之事蹟其有關政治者靡不班

班可考也因不禁欣然喜曰所以治項者其在斯乎其在斯乎獨是是志也自康熙庚午歲修纂迄今五十餘載矣其間疆域之改隸者未志也土田之墾闢者未志也戶口之日繁民風之

序

三

日變者未志也至於循良接踵不乏可傳之政英賢輩出豈無足紀之人久未增修類多遺闕然則舊志之所紀者特庚午以前之項而非今日之項也苟執是以求治保無有未盡合宜者

在耶廼會

大方伯趙念邑之有志猶國之
有史未可任其殘缺以致回循
久而文獻無徵也是以

檄飭重修務俾後之人稽考有
據可以踵事而增華焉余適承

序

四

憲命樂從其事爰延集縉紳共謀
修輯之人僉云此鉅典也克勝
斯任者則莫如芝庭張先生矣
衆議相符余遂肫然託之而張
先生亦慨然任之至於參閱考
訂以勦其成者則文學高必特

石凝祚高應旂閻聖言高攀龍
師輝祖馬金鏞張延爵高世振
諸君子也旣成讀之覺庚午以
來數十年之因革損益政績文
章風土人物莫不宛然在目而
無復殘缺之憾矣今而後思所

序

五

以治項者可卽此而求也余雖
不敏願藉此以勵厥治焉噫後
之繙閱斯編者見善知勸見惡
知懲得者法之失者戒之致蕞
爾之項人心正而教化端儼然
成三代之治者是皆

大方伯趙之所禪也若余則遑逢
憲檄幸觀厥成耳以云方軌乎程
朱也則吾豈敢

皆

乾隆十年歲次乙丑二月上浣
署項城縣知縣事杞縣縣丞襄

序

六

平韓儀撰

項城縣志序

李志原序

今之郡縣卽古封建地封建有史郡縣有志所以彰信來茲著爲勸戒由來舊矣秣陵爲豫南巖邑雖無高山峻嶺巨浸大川而風土曠行人文秀出歷周秦漢唐而下懿業休名見之書傳者未易悉數終予不佞以駑鈍之質謬奉憲檄攝項吏覽其山川土物氣厚而淳縉紳士大夫猶有先正遺軌始信周之盛時分茅土於此以封同姓比於諸侯列於會盟不偶然也中州當闖賊虐燄圖籍無存大司馬中丞賈念事

項城縣志

序

一

之有關於政教風化者恐其有美弗傳傳而弗久也檄下各屬纂修之役予不佞涖懼奉行無狀不足仰副憲指爰質趙二韓束心一諸先生及邑文學如黃子士顯束子紳輩採輯遺文互爲考訂刪繁就簡編次成帙越兩月而告竣予讀之因念邑之有志與古職方相表裏軍實錢穀祀神養老表善通貨之類諸務靡襍欲以口碑作記載徵信爲難况數年兵火戶口之逃亡田畝之荒廢兼以災稜水旱重困吾民春秋紀災不紀瑞斯志烏得而無作也後之君子載讀

斯編觀今日之項大非昔日之舊則彌縫闕畧擬補
太平寧能謙讓未遑也哉予不佞代人庖俎徒切覆
餽之懼惟願協恭僚友借光隣壁云爾因爲序

皆

順治十五年戊戌季冬吉旦沈邱縣知縣兼攝項城
縣事三韓李芳春撰

讀項志序

黃志
原序

郡邑之有志猶史也其文貴直而信微而著詳而有
體叢冗禿屑無取也凡懋古學者悉能紀之使後之

項城縣志

序

二

人因以考其得失誌其譜政之書乎夫天下之政係
于一人與一邑之政係于一人無以異是以國有善
政噓之爲風被之成俗蒸爲山川雲物之秀發爲人
文道氣之光不其休歟項之誌舊矣大司馬中丞賈
公愛國庇民百政肇舉檄中州郡邑纂修新編使無
闕遺豈非一代鉅典俾吏茲土者借以觀覽省察以
勵厥治者乎余承乏茲邑適與項誌之成相直披卷
讀之見其論著遠不流荒近不失鄙紀事必覈而論
次不阿有古信史風雖語無褒刺而嚴正之義往往

言外寓之至風土藝文之例大必稽而細不遺真所謂直而信微而著詳而有體者耶顧余才非通方治愧循良其于興革利弊未能洞悉兢兢以曠鯨爲懼得此誌而覽之昔之項瞭吾目也今之項瞭吾目也卽今之項逮于昔不逮于昔可進于昔不可進于昔亦瞭吾目也項之農今知耕矣謂野無曠土之慮乎謝不能項之士今知學矣謂市無城闕之譏乎謝未免里閭猶是謂鴻雁無悲戶口猶是謂萋楚無聞乎謝弗信惟欲薦紳先生暨都人士匡余不逮以期政

項城縣志

序

三

舉民安家絃誦而戶比封噓之爲風被之成俗蒸爲山川雲物之秀發爲人文道氣之光今之項視昔之項少有進焉是則余之志也夫是則余之志也夫

嘗

順治十六年歲次己亥孟夏月項城縣知縣譙陵黃
陛撰

項城縣志序

徐志原序

竊惟天道垂以象地道效以法人道紀以籍以斯知志之作其本於此乎項城縣志凡十篇自沿革以至